



Sarajevo, 5. februar 2018. godine

- SAOPŠTENJE ZA MEDIJE -

Centar za sigurnosne studije drugu godinu zaredom najbolje rangirani istraživački centar iz Bosne i Hercegovine

Centar za sigurnosne studije (CSS) ponovno među najbolje ocjenjenim 'think tank-ovima' u Centralnoj i Istočnoj Evropi na najpoznatijoj rang listi istraživačkih centara koju objavljuje Univerzitet u Pensilvaniji (SAD).

Globalna rang lista, "Global Go To Think Tank Index", Univerziteta u Pensilvaniji (SAD) posljednjih 11 godina objavljuje najsveobuhvatniju godišnju rang listu vodećih istraživačkih centara iz cijelog svijeta. U procesu nominovanja i ocjenjivanja 6 846 istraživačkih centara, učestvovalo je i više od 4 750 novinara, donosilaca odluka, donatorskih organizacija, eksperata i drugih. Lista se formira na osnovu jasno definiranih kriterija kao što su: kvalitet, posvećenost i ugled rukovodstva i zaposlenika; odnos s kreatorima politika; mogućnost za kreiranje novih znanja i alternativnih ideja; kvalitet, broj i doseg istraživanja i analiza; medijska vidljivost; upotreba društvenih mreža u cilju povezivanja s donosiocima odluka, novinarima i javnošću; te uticaj na društvo.

Organizacije su rangirane u više kategorija prema regionu, istraživačkim oblastima, kao i posebnim rezultatima. S obzirom na mali broj istraživačkih centara koji uopšte budu nominovani, posebno s prostora Jugoistočne Evrope, sam ulazak na rang listu je dostignuće samo po sebi.

Iz Bosne i Hercegovine je nominovano ukupno 13 istraživačkih centara, od kojih su 6 rangirani na rang listi najboljih 'think tank-ova' iz 21 države Centralne i Istočne Evrope. Najbolje rangirana organizacija iz Bosne i Hercegovine je Centar za sigurnosne studije i nalazi se na 50. mjestu.

„Velika je čast ponovno biti među najboljim svjetskim istraživačkim centrima, a posebno najbolji istraživački centar iz Bosne i Hercegovine drugu godinu zaredom“ navodi direktor Centra za sigurnosne studije, dr.sci. Denis Hadžović. „Priznanje predstavlja dokaz



prepoznavanja i potvrde dugogodišnjeg rada Centra, ali ujedno zahtijeva i pruža motivaciju za održavanje kvalitete rada i daljnja unapređenja u budućem djelovanju.“

Global Go To Think Tank Index objavljuje se kroz Program za istraživačke centre i civilno društvo Univerziteta u Pensilvaniji, jednog od najstarijih i najcjenjenijih univerziteta u Sjedinjenim Američkim Državama, na zahtjev donosilaca odluka, donatora i novinara da se naprave liste najjemenitnijih nacionalnih, regionalnih i internacionalnih istraživačkih centara.

Dr. Denis Hadžović
Direktor

Internet stranica Programa za istraživačke centre i civilno društvo:

<http://repository.upenn.edu/ttcsp/>

Cjelokupni izvještaj o procesu rangiranja i sa svim rang listama:

https://repository.upenn.edu/cgi/viewcontent.cgi?article=1012&context=think_tanks